

## Հ Ա Շ Վ Ե Տ Վ ՈՒ Թ Յ ՈՒ Ն

2022 թվականի հուլիսի 19-ից 21-ը

Իտալիայի Հանրապետություն (ք. Միլան) գործուղման արդյունքների մասին

### 1. Անունը, ազգանունը՝

Լիա Ավագյան

Նաիրուհի Ավետիսյան

### 2. Զբաղեցրած պաշտոնը՝

ՀՀ պետական եկամուտների կոմիտեի միջազգային համագործակցության վարչության միջազգային ծրագրերի իրականացման բաժնի գլխավոր հարկային տեսուչ/ ծրագրի համակարգող,

ՀՀ պետական եկամուտների կոմիտեի միջազգային համագործակցության վարչության տրանսֆերային գնագոյացման և հարկային համագործակցության բաժնի պետ

### 3. Գործուղման վայրը և ժամկետները՝

Իտալիայի Հանրապետություն, ք. Միլան, հուլիսի 19-ից 21-ը

### 4. Հրավիրող կողմը՝

Իտալիայի հարկային գործակալություն

### 5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

ՀՀ ՊԵԿ աշխատակիցների այցը Իտալիա իրականացվել է ՏՀԶԿ/ՄԱԶԾ «Հարկային տեսուչներ առանց սահմանի» ծրագրի շրջանակներում ՀՀ ՊԵԿ-ի և Իտալիայի եկամուտների գործակալության միջև աշխատանքային ծրագրով հաստատված առևտրային տվյալների բազայի օգտագործման վերապատրաստման նպատակով, որն էական նշանակություն ունի տրանսֆերային գնագոյացման կարգավորումների ներդրման և կարողությունների զարգացման համար:

Հանդիպման ընթացքում Իտալիայի հարկային մարմնի ներկայացուցիչների հետ համատեղ գնահատվել և ամփոփվել է ծրագրի շրջանակներում ձեռք բերված արդյունքները, ինչպես նաև ծրագրի ավարտին հասցնելու բոլոր անհրաժեշտ գործողությունները: Ինչպես նաև տեղի է ունեցել քննարկում համագործակցության ծրագրի համար պատասխանատու Իտալիայի հարկային մարմնի ներկայացուցիչների հետ, այդ թվում՝ միջազգային համագործակցության և ստուգումների վարչության ղեկավարների հետ՝ հարկային վարչարարության բնագավառում համագործակցության նոր ոլորտներ գնահատելու և առաջատար միջազգային փորձը Հայաստանում ներդնելու նպատակով: Այս առումով իտալական կողմի հետ նոր համագործակցության ոլորտի շուրջ բանակցությունների արդյունքում ստացվել է նախնական համաձայնություն արհեստական բանականության (Artificial Intelligence) փորձի ուսումնասիրման և ՀՀ ՊԵԿ կողմից հարկային վարչարարության բնագավառում կիրառման հարցում:

## **6. Քննարկված թեմաները՝**

Հանդիպման ընթացքում քննարկվել են մի շարք թեմաներ, մասնավորապես.

1. Ծրագրի կարգավիճակի վերանայում՝ ստացված արդյունքների գնահատմամբ: Հիմնական արդյունքներն են.

- Տրանսֆերային գնագոյացման հայկական օրենսդրության վերանայում և միջազգային չափանիշներին համապատասխանեցում,
- Տրանսֆերային գնագոյացման ռիսկերի գնահատման ընթացակարգի իրականացում,
- Տրանսֆերային գնագոյացման ստուգման ընթացակարգերի իրականացում, ներառյալ ստուգողների համար մշակված ձեռնարկը,
- Տրանսֆերային գնագոյացման բաժնի աշխատակիցների կարողությունների բարելավում տրանսֆերային գնագոյացման շրջանակներում վերլուծություններ և առևտրային տվյալների քազաների օգտագործման ժամանակ:

2. Քննարկում հաջորդ քայլերի և հնարավոր համագործակցության ապագա ոլորտների մասին (հանդիպում միջազգային ոլորտի և ստուգման ոլորտի ղեկավար պաշտոնյաների հետ՝ կարևորելով թվային փոխակերպման և արհեստական բանականության (Artificial Intelligence) ոլորտները:
3. Հնարավոր համագործակցություն Բյուրո Վան Դիկի (Bureau Van Dijk) կազմակերպության հետ՝ որպես Orbis/TP կատալիզատորի տվյալների բազայի մատակարար:

#### **7. Հանդիպումները, ելույթները, բարձրացված կամ քննարկված հարցերը՝**

Հանդիպման ընթացքում դիտարկվել են մի շարք թեմաներ, որոնցից ամենակարևորներն են.

- Ինչպես օպտիմալացնել կազմակերպությունը, որպեսզի ամբողջական և արդյունավետ կերպով կիրառվի տրանսֆերային գնագոյացման հետ կապված հարցերը, մասնավորապես՝ վեճերի կանխարգելման և վեճերի լուծման հետ կապված խնդիրները:
- «Հարկային տեսուչներ առանց սահմանի» ծրագրի շրջանակներում ձեռք բերված հիմնական արդյունքները:
- Ինչպես սկսել համագործակցություն Բյուրո Վան Դիկ (Bureau Van Dijk) կազմակերպության հետ՝ տրանսֆերային գնագոյացման ստուգման իրականացման ընթացքում տվյալների բազայի ծառայություններից օգտվելու համար:
- Իտալիայի հարկային մարմնի ղեկավար պաշտոնյաների հետ կայացած հանդիպման շրջանակներում համագործակցության հնարավոր նոր ոլորտների ուսումնասիրում:

#### **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

1. Պաշտոնապես ՏՀԶԿ/ՄԱԶԾ «Հարկային տեսուչներ առանց սահմանի» ծրագրի փակում,

2. Համագործակցության հնարավոր նոր ոլորտների վերաբերյալ ծրագրի պլանի  
(Project plan) փոխանակում:

**9. Առաջարկությունները, դրանց ընթացք տալու վերաբերյալ առաջարկները՝  
եղանակը, ձևը, ժամկետները, պատասխանատուները, ակնկալվող  
արդյունքները՝**

Մինչև սեպտեմբերի վերջ Իտալիայի եկամուտների գործակալության հետ  
հնարավոր համագործակցության ծրագրի վերաբերյալ զեկույցի պատրաստում:

Պատասխանատու անձինք են հանդիսանում նախագծի համակարգողները,  
ոլորտի պատասխանատու ղեկավար պաշտոնյաները:

**10. Ստորագրությունը, ամսաթիվը**

 / 

26.07.2022թ.